

LECTURIS
S. & O.

**FORUM INIQUITATIS,
QVOD
DE INNOCENTISSIMO
SERVATORE MVNDI**

**SUPPLICIUM OMNIUM ACERBISSIMUM
SUMERE SUSTINUIT,**

**IPSA SOTERIORUM CHRISTIANORUM DIE
A. R. S. M DCC. VIII.**

ACTU ORATORIO

**H. Lq; CONSVETIS PRÆSENTATUM IRI
INDICUNT:**

**UTQVE
SOLENNIA ISTA**

**PROCERES REIPUBLICÆ THORVNENSIS
ALIIQVE LITERARUM FAUTORES CENSURAM DE CEN-
SURA INIQVISSIMA ÆQVISSIMAM AUDITURI, PRÆ-
SENTIA SUA GRATIOSA DIGNARI VELINT,
PERHUMANITER ORANT**

**GYMNASII THORUNENSIS
RECTOR & PROFESSORES.**

LECTURIS S. & O.

Neminem, nisi forte à cœtu fidelium segregatum & à vera Christianorum fide abhorrentem, fore credimus, qui negare aufit, universum mundum, postquam par hominum primum in horto amœnitatis in noxam deflexit, contraxitque turpissimam maculam omnes in posteros propagandam, pro Foro Iniquitatis esse. Etenim hæc ipsa primorum parentum noxâ magistrâ universi homines peccare tantum didicisse, atque peccatum amare, quo perditum sunt, necdum nati videntur. Ex tanta bonorum cœlestium possessione à parentibus omnium viventium regno, capite & quod deterius, innocentia diminutis, facta semel sanctitatis & justitiæ exactæ jacturâ, posteris in omnem generationem præter peccatum, calamitates, dolores, inopiam, ipsamque mortem ut satellitium culpæ, pro hæreditate relictum est nihil. Omnibus ac singulis hominum aliquid, imò multum plurimis inest vitiorum, quibus Divinam offendunt Majestatem, lædunt proximum & læduntur ipsi. Testes hujus rei sunt DEUS, Prophetæ & Apostoli omni exceptione majores: quorum effata in S. Codice consignata leguntur talibus verbis: *Sensus & cogitatio humani cordis in malum prona sunt ab adolescentia sua*, Gen. VIII. 21. *Videns Dominus, quod multa malitia hominum esset in terra, & cuncta cogitatio cordis intenta esset ad malum omni tempore* Gen. VI. 5. *Quis potest dare mundum de immundo?* Job. XIV. 4. *Quid est homo, ut immaculatus sit, & ut justus appareat, natus de muliere? Ecce sanctos inter ejus nemo integer, & cœli non sunt mundi in conspectu ejus! Quanto magis abominabilis & inutilis homo, qui bibit quasi aquam iniquitatem* Job. XV. 14. *Facti sumus ut immundus omnes nos, & tanquam vestimentum iniquitatum universæ justitiæ nostræ*. Es. LXIV. 6. *In omnes homines mors pertransiit, quandoquidem omnes peccarunt*. Rom. V. 23. *De corde exeunt cogitationes malæ, homicidia, adulteria, fornicationes, furta, falsa testimonia, blasphemie* Matt. XV. 19. *Conclusit Scriptura omnia sub peccato*. Gal. III. 22. Confer. 1. Reg. VIII. 46. Psal. XIV. 3. Psal. LI. 7. Eph. II. 3. Gal. V. 19. Ex tanta testimoniorum clarissimorum multitudine luce meridiana clarius elucet, quod pro Foro Iniquitatis sit universus mundus, sive omnes homines, qui operantur iniquitatem. Et hæc ipsa iniquitas totius generis humani causa fuit Christo tam cruentæ passionis ac mortis, innocentissimo. Idque Salvator olim passurus multa ante secula per Esaiam Cap. XLIII. II. prædixit his verbis: *Servitute premis me propter peccata tua, fatigas me iniquitatibus tuis*. Idem asseveravit Prophetarum gravissimus firmissimè Cap. LIII. 5. Sic locutus: *Ipsè dolore afficitur à defectionibus nostris, atteritur ab iniquitatibus nostris*. Quamvis autem culpâ totius mundi, adeoque omnium hominum Salvator

vator innoxius fuerit plexus; attamen si accuratiùs in speciem & individua inquiratur, aliud adhuc in mundo Forum insigniter iniquum, & homines in illo perditissimos, insidiarum principes & auctores reperire haud erit difficile. Illud fuere Tribunalia Sacra & profana Hierosolymæ olim Areopago justiora, tunc autem omni justitiâ destituta & iniquitate polluta: quæ suo tempore Regum Sapientissimus & Ecclesiastes atro notavit carbone, Cap. III. 16 Sic scribens: *Nam adhuc respiciens sub sole: loco juris, ibi improbitatem; loco inquam justitiæ, ibi improbitatem esse.* Insidiarum & parricidii principes atque auctores fuerunt Proceres Ecclesiæ Judaicæ, nominatim Annas & Caiphas cum Scribis, Pharisæis & Senioribus populi, assentatoribus suis, Judæorumque multitudine impetu facile mobili: nec non Herodes Rex magis nomine quàm re, & Pilatus Judææ Præfectus: In quos omnes Propheta Regius Pl. II. 1. sic invectus fuit: *Quare fremuerunt gentes, & populi meditati sunt inania: Adstiterunt Reges terræ, & principes convenerunt in unum adversus dominum & Christum ejus.* Horum consilio, decreto & manibus crudelissimis de innocentissimo Redemptore sumptum fuit supplicium iniquissimè crudelissimeque. Horum quilibet studium suum ultrò contulit ad perdendum eum, qui venerat servare, quod perierat. Nam cum jam matura in perniciem innocentis essent consilia, & fatum, cujus immutabilis sors est, appeteret, sollicitis adhuc Sacerdotibus, quo duce scelus cogitatum exequerentur, commodum supervenit Judas, filius ille perditionis, iniquitatis coryphæus, desertor, transfuga & proditor Domini sui factus: Qui postquam prodicionis in mercedem triginta siclos stipulatus fuit, armato Sacerdotum satellitio, quantum sat erat ad capiendum non inermem, sed armatum latronem, stipatus, osculo perfidiæ ac simulationis prodidit fidelitatis Doctorem & in manus peccatorum tradidit ab omni peccato immunem. Annas & Caiphas Summi per vices unius anni Sacerdotes Jesum Sacerdotem in æternum criminum capitalium arguerunt, & licet flagitiosum nihil expiscari potuerint, facultateque judicandi de causis capitalibus destituti fuerint; tamen Judicem supremum & irrefragabilem capitis damnarunt. Similiter Judices suppedanei Scribæ, Pharisæi & Seniores populi, putantes, in unius Jesu morte sitam esse omnem salutem suam, & auctoritatem traditionum suarum, ad exemplum Procerum suorum pronunciarunt injustè de capite ejus, qui vivos mortuosque, atque hos suos judices olim judicaturus est justè! In eandem quoque iverunt sententiam Testes, falsis criminibus adversus innocentem à Sacerdotibus adstructi. Fecit cum his & multitudo Judaica, quæ furentibus Principibus suis nimiâ insania simul furere cœpit, eumque, quem non ita pridem lætis acclamationibus exceperat, verso in rabiem amore ad supplicium depoposcit, de omnibus bene meritum. Herodes Antipas Judææ solum Rex Regi, qui à mari dominatur ad mare, quòd prodigium pro voto ipsius ederet nullum, illusa, eumque ad Pilatum remisit judicandum, in quem ipse juris nihil habebat. Pilatus denique Præfectus Judææ, probè gnarus, Chri-

Christum sola Sacerdotum invidia à Judæis sibi traditum esse, monitus ab uxore innocentia teste, culpâ inventa nullâ, voluit eum confestim à judicio liberatum dimittere; mox autem seditiosis Sacerdotum populiqve Judaici vocibus deterritus, metu seditionis & offensionis imperatoriae, post multa ludibria, sannas & sibila vulgi, Judæorum odio & furore captum, vinctum, in jus raptum, accusatum, consputum, caesum, purpuratum, coronatum, damnatumqve satellitibus tradidit cruci affigendum: in qua etiam tandem contumelias & cruciatus omnes, quos ore furor commentus est per Judæos & gentes, perpessus, vitam sanctissimam humani generis Hostia posuit. Atqve hæc fere sunt, quæ nunc sub censuram venient, & à nonnullis Classium Superiorum Auditoribus Prolusionibus propria industria elaboratis, servatâ Historiæ Passionalis serie, hoc exponentur ordine:

Nathanael Schwantes, Gedanensis, argumentis orationum habendarum breviter præmemoratis, Auditorium ad benevolam attentionem perhumaniter invitabit.

Christophorus Kochius, Thorun. Scelus Judæ atrocissimum reprehendet.

Johannes Georgius Zöbner/Thorun. Annam & Caipham summos Pontifices de malè judicato arguet oratione ligata.

Simon Gleinig, Thorun. Scribarum & Pharisæorum preceps consilium de tollendo Christo damnabit.

Johannes Fridericus Thomas, Thorun. Testes falsis criminibus adversus innocentem Jesum adstructos refellet.

Georgius Ansten, Thorun. tam repentem Populi Judaici consternationem & furorem improbabit.

Georgius Henricus Czimmermann, Thorun. In Herodem Regem Pilatū & Judææ Præfectum tanquam Judicem iniquissimum invehetur.

Michael Adami, Thorun. præcipua causa Passionis & mortis Dominicæ memoratâ, gratias Auditorio aget maximas, Feriasqve Paschales precabitur faustas.

os)O(so